

佛說四輩經或名四輩弟子經

西晉三藏法師竺法護譯

四

聞如是一時佛在舍衛國祇樹給孤獨園爾時諸四輩弟子天帝龍鬼神質諒神皆詣祇樹稽首佛足却就常位坐

佛告諸弟子吾今所出法經所可教誡皆自各守其意念末世毒然之時四輩弟子若出家若居家修道皆狂醉衆色不復承用佛經

法專愚自用便使吾道薄淡令世人謗訕吾道信是弟子傲慢所致鴛鷺子正衣服叉手一心聽佛說四輩經如是

佛言若末世男子能出家除剃頭髮爲道者第一去離愛欲志存大乘常當慈悲喜護爲主去想行普念一切蜎飛蠕動之類視之如

身無異不得妄起恚怒深入明度常以明度權便誘致朦冥使入無極以戒德除心穢病不得爲世間之業能行此者便可出家名曰道士不可依恃吾法自以出家爲信不專念道或能有下賤之人倚道自活無益一切而出意說爲人師主輕薄戲調不自檢察使

尊法薄淡世人不信非吾出家弟子之法也佛言若有女人出家除髮爲道以去愛欲當專精靜處不得與出家男子同廟止若行師受當有等類不得獨往稟受常當晚出早還不得妄出廟宿止但得教授女人不得教授男子所著衣服不得刻繒帛綠色苾蒭不得

五

五

輕言戲語不得貪財寶物戒行清淨名曰出家道人若輕言戲謔未語預笑心志不定意行穢濁惡口罵詈輕言不節不能靜處嬌慢自大不自檢勑者雖復出家故是戇人非出家弟子也

佛言若有男子心志繫道不能出家者在於

愛欲之中當受持五戒月六齋第一孝順父
母治家養子朝暮燒香然燈誓首三尊悔過

十方恭敬四輩不得慢經自大去離慳貪常
以至誠不得欺殆卅人不得與卅間人妻婦
坐起同席住行相隨同室異牀除去四事以
四等心普視一切老者若父若母少者若弟

若子恒以明度法藥洗除衆病不得妄瞋恚
罵詈常以無極方便誘解卅人使入大乘不
得爲新學者說深經奧妙之義當爲除想識
無罣礙者不得綺飾衣服不得與卅間妻女
戲謔言語往來報答以致因緣如是者爲清
淨道人若行不清淨貪利財色或於卅俗綺
飾衣服互相翹舉但結非惡眇瞓所欲輕言
戲謔未語預笑託已同法口說妙言外似清
虛內懷貪惑心存財帛以自供給活於妻子
慢佛尊經不復修學反習外道之術卅藥解
奏符呪厭說療治衆病因緣外道解奏之術
或於財帛絢束上下賊意欲得因解奏之術

不持吾法當來者却皆由斯輩是故非法學
弟子也

佛言若有女人不能出家在於愛欲之中心
樂道者當持五戒月六齋孝順父母姑嫜叔
妹夫婿不得過罵兒子婢使不得輕行來宿
止他家不得與卅間男子語言調弄戲笑不

得妄瞋恚罵詈惡口不得證說他人惡不得
陷人兒子妻妾奴婢過惡恒當專精念道爲
上首不得與卅間凡人說法顏貌不得與人
男子相對不得教他人男子不得說卅間吉
凶善惡災變之相不得嬌慢自大晝夜三時
燒香誓首三尊悔過十方稟受經行言數自
六勸不得希望供養貪利財帛不得嫉妬夫主
當自賤女人身願爲男子轉身受福可得上
天宮觀自然是清信女人學道之法若不孝
順嬌慢姑嫜嫉妬夫主過罵奴婢造惡自是
怨恨恚怒毒意向人行者如是是爲非法學
女人弟子也

佛告諸弟子清慎汝心守護身口恒以四等

濟於衆生以道寶之慧恩施一切如佛教誠

必得度世弟子諸來會者聞佛說經歡喜奉

行作禮而去

佛說四輩經

行九

佛說當來變經

西晉三藏法師竺法護譯

聞如是一時佛在舍衛國祇樹給孤獨園與
大比丘衆俱比丘五百及諸菩薩

爾時世尊告諸比丘將來之世當有比丘因
有一法不從法化令法毀滅不得長益何謂
爲一

不護禁戒不能守心不修智慧放逸其意唯
求善名不順道教不肯謹莫度世之業是爲
一事令法毀滅

佛告比丘復有二事令法毀滅何謂爲二
一不護禁戒不攝其心不修智慧畜妻養子

行九

七

放心恣意賈作治產以相供活二伴黨相
著憎奉法者欲令陷墮故爲言議謂之諛詭
內私犯惡外揚清白是爲二事令法毀滅
佛告比丘復有三事令法毀滅何謂爲三
一既不護戒不能攝心不修經義二自讀
文字不諦句逗以上著下以下著上頭尾顛